



D.o.o. „TRA“ Agencija za razvoj općine  
Tešanj, Trg Alije Izetbegovića br.11  
74260 Tešanj  
Tel./Fax: +387 32 650 608; +387 32 650 390;  
e-mail: [tra@opcina-tesanj.ba](mailto:tra@opcina-tesanj.ba)

Broj:135/15

Datum: 11.05.2015.godine

## ZAPISNIK

sa 11. sjednice Skupštine d.o.o. „TRA“ Agencije za razvoj općine Tešanj

Naziv: „TRA“ d.o.o Agencija za razvoj općine Tešanj (u daljem tekstu: Agencija TRA)  
Mjesto održavanja: Trg Alije Izetbegovića br. 11, kancelarija direktora Agencije  
Datum i vrijeme održavanja: 24.04.2015.godine u 14,00 sati

Prisutni:

Članovi Agencije osnivača-Općine Tešanj (imenovani predstavnici u Skupštinu)

1. Hamzaliya Hojkurić,
2. Kanita Gredelj
3. Emina Šišić

Uprava Agencije:

1. Ismar Alagić, direktor

Nadzorni odbor Agencije:

1. Amir Kurtić, predsjednik Nadzornog odbora

Imenovani predstavnik u Skupštini Agencije TRA, g-din. Hamzaliya Hojkurić pozdravio je prisutne, konstatujući da su ispred osnivača za 11. sjednicu Skupštine „TRA“ d.o.o-Agencije za razvoj općine Tešanj imenovani slijedeći članovi: Hamzaliya Hojkurić, Kanita Gredelj i Emina Šišić. G-din. Hamzaliya Hojkurić je naglasio da je poziv i materijali za održavanje 11. sjednice Skupštine Agencije TRA blagovremeno dostavljeni, ali da su preobimni, bez jasnog prikaza o statusima projekata i realizovanih ciljeva TRA Agencije iz 2014.godine. Također, u dijelu Finansijskog izvještaja Agencije TRA za 2014. godinu, potrebna su dodatna pojašnjenja i to: šta sve spada pod materijalne i nematerijalne troškove za 2014.godinu, način nastanka gubitka u 2014.godini, kao i prijedlog plana pokrića nastalog gubitka u 2014.godini. U skladu sa navedenim g-din. Hmzaliya Hojkurić predlaže da se 11. sjednica Skupštine Agencije TRA, prekine, a nastavak sjednice da se održi: 11.05.2015.godine sa početkom u 10:00 sati, kako bi Uprava Agencije TRA pripremila pomenuta obrazloženja. Nakon iznezenih prijedloga imenovani članovi Skupštine Agencije TRA donose:

### **ZAKLJUČAK 1.**

**Nastavak 11. sjednice Skupštine „TRA“ d.o.o-Agencije za razvoj općine Tešanj zakazuje se za 11.05.2015.godine sa početkom u 10:00 sati.**

### **ZAKLJUČAK 2.**

**Zadužuje se Uprava „TRA“ d.o.o-Agencije za razvoj općine Tešanj da za nastavak 11. sjednice Skupštine pripremi Izvještaj o radu za 2014. godinu sa jasnim prikazom o statusu projekata, kao i izvještaj o realizaciji ciljeva iz 2014.godine.**

### **ZAKLJUČAK 3.**

**Zadužuje se Uprava „TRA“ d.o.o-Agencije za razvoj općine Tešanj da za nastavak 11. sjednice Skupštine pripremi: dodatna pojašnjenja materijalnih i nematerijalnih troškova iz 2014.godine, pojašnjenja u vezi nastanka gubitka u 2014.godini, te predloži plan pokrića nastalog gubitka u 2014.godini.**

#### **Nastavak 11. sjednice Skupštine**

**Mjesto održavanja: Trg Alije Izetbegovića br. 11, kancelarija direktora Agencije**

**Datum i vrijeme održavanja: 11.05.2015.godine u 10,00 sati**

U pozivu za 11. sjednicu Skupštine Agencije TRA, Nadzorni odbor je na svojoj 14. sjednici predložio slijedeći dnevni red:

1. Utvrđivanje zapisnika sa 10. sjednice Skupštine Agencije TRA
2. Izbor predsjedavajućeg za 11. sjednicu Skupštine Agencije TRA
3. Izbor zapisničara i dva ovjerivača zapisnika na sjednici Skupštine Agencije TRA
4. Izvještaj o radu Uprave i Nadzornog odbora Agencije TRA za 2014.godinu
5. Finansijski izvještaj i mišljenje neovisnog revizora za 2014.godinu
6. Plan rada Agencije TRA za 2015.godinu
7. Razno

Imenovani članovi Skupštine jednoglasno su prihvatili prijedlog dnevnog reda.

#### **Ad 1.**

Općini Tešanj kao Osnivaču Agencije TRA, uz poziv za jedanaestu sjednicu dostavljen je zapisnik sa prethodne održane sjednice Skupštine Agencije TRA. Imenovani članovi Skupštine Agencije TRA nisu imali primjedbu na dostavljeni zapisnik. Nakon izjašnjavanja imenovani članova, Skupština Agencije TRA donosi:

### **ZAKLJUČAK**

**Prihvata se zapisnik sa 10. održane sjednice Skupštine „TRA“ d.o.o-Agencije za razvoj općine Tešanj.**

### Ad 2.

Pod tačkom 2. „Izbor predsjedavajućeg za 11. sjednicu Skupštine Agencije TRA“, imenovani članovi Skupštine Agencije TRA za predsjedavajućeg 11. sjednice Skupštine predložili su g-dina Hamzaliju Hojkurića. Nakon zaključene rasprave i rezultata glasanja Skupština Agencije TRA donosi:

#### ZAKLJUČAK

Za predsjedavajućeg 11. sjednice Skupštine „TRA“ d.o.o-Agencije za razvoj općine Tešanj imenuje se g-din. Hamzalija Hojkurić, dipl. ekonomista.

### Ad 3.

Pod tačkom 3. „Izbor zapisničara i dva ovjerivača zapisnika na 11. sjednici Skupštine Agencije TRA“. Predsjedavajući Skupštine Agencije za zapisničara 11. sjednice predlaže g-dina Muamera Omahića, a za ovjerivače zapisnika predlaže uposlenike Agencije TRA, g-dina Muhameda Džihića i g-dina Senada Lekića. Nakon iznesenog prijedloga i rezultata glasanja Skupština Agencije TRA donosi:

#### ZAKLJUČAK

Za zapisničara 11. sjednice Skupštine „TRA“ d.o.o-Agencije za razvoj općine Tešanj, imenuje se g-din. Muamer Omahić, a za ovjerivače zapisnika imenuju se g-din. Muhamed Džihić i g-din. Senad Lekić.

### Ad 4.

Predsjedavajući Skupštine Agencije TRA, g-din. Hamzalija Hojkurić otvara četvrtu tačku dnevnog reda: „Izveštaj o radu Uprave i Nadzornog odbora Agencije TRA za 2014.godinu“ te daje riječ Direktor Agencije TRA g-dinu Ismaru Alagiću da u kratkim crtama predstavi izvještaj Uprave Agencije TRA za 2014.godinu. Direktor Agencije TRA, g-din. Ismar Alagić je u svom kratkom izlaganju predstavio ostvarene rezultate Agencije TRA na polju projektnog menadžemnta za 2014.godinu. Agencija TRA je toku 2014.godine svoje projektne ideje radila iz 6 planiranih područja. Najznačajniji projekti, koji su odobreni su: COBEAR i „Podizanje zasada malina na području općine Tešanj“, koji su finansirani od strane Delegacije EU u BiH, odnosno od organizacije Al Qatarija iz Katra. Direktor Agencije TRA je u kratkim crtama predstavio sadržine pomenutih projekata, naglasivši da je projekat „Podizanje zasada maline na području općine Tešanj prebacio očekivanja za 35%, odnosno od 37 planiranih zasada maline, kroz projekat je podignuto ukupno 50 novih zasada malina. U svom izlaganju Direktor Agencije TRA je pomenuo i ostale projekte Agencije TRA kao i statuse istih. Nakon izlaganja za riječ se javio i Predsjednik Nadzornog odbora Agencije TRA g-din. Amir Kurtić koji je predstavio osnovne informacije o radu Nadzornog odbora Agencije TRA za 2014.godinu. Nakon izlaganja Predsjedavajući Skupštine Agencije TRA daje na glasanje Izveštaj o radu Uprave i Nadzornog odbora Agencije TRA za 2014.godinu. Na osnovu rezultata glasanja Skupština Agencije TRA donosi:

## ODLUKU

**o usvajanju izvještaja o radu „TRA“ d.o.o-Agencije za razvoj općine Tešanj za 2014. godinu.**

### Ad 5.

Predsjedavajući Skupštine Agencije TRA, g-din. Hamazalija Hojkurić otvara raspravu za petu tačku dnevnog reda: „**Finansijski izvještaj i mišljenje neovisnog revizora za 2014.godinu**“. Za nastavak sjednice članovima imenovane Skupštine Agencije TRA dostavljeno je obrazloženje u vezi nastanka gubitka u 2014.godini, kao i porasta pozicija materijalnih i nematerijalnih troškova u 2014.godine. U obrazloženju za Skupštinu Agencije stoji: *Na poziciji bilansa uspjeha sa 31.12.2014.godine –rezultat poslovne godine iskazan je gubitak perioda u iznosu od 18.246 KM.Gubitak je nastao iz razloga obračuna amortizacije po osnovu opreme iz ranijih perioda, koja je kao donirana i knjižena kao prihod i samim tim stvorila dobit u ranijim godinama. Takvi dobici iz ranijih godina se vode na stavki neraspoređene dobiti ranijih godina u bilansu stanja AOP 340. U skladu sa navedenim vaša odluka za pokriće gubitka bi se trebala realizovati na način da se gubitak 2014 godine pokriva iz neraspoređene dobiti ranijih godina.*

*Razlog porasta materijalnih i nematerijalnih troškova u 2014 godini u odnosu na prethodnu godinu je realizacija projekata koji su u 2014 godini svakako dominantniji u odnosu na 2013 godinu.*

Predsjedavajući Skupštine Agencije TRA, g-din Hamzalija Hojkurić je kazao da je na osnovu dostavljenog obrazloženje dosta jasnija slika finansijskog izvještaja, te je predložio da se postupi po prijedlogu knjigovodstvenog servisa i da se iznađe model knjiženja, kako bi se izbjegao tehnički problem stvaranja godišnjeg gubitka. Za riječ se javio Direktor Agencije TRA, g-din Ismar Alagić, koji je pojasnio da je Agencija u proteklom periodu realizovala značajan broj usluga koje nije fakturisala. Programe obuka na opremi, koja je u vlasništvu Agencije nisu pružane na komercijalnoj osnovi te je i iz tih razloga Agencija ostvarila gubitak u poslovanju. Nakon zaključene rasprave Skupština Agencije TRA donosi:

## ODLUKU

**o usvajanju Finansijskog izvještaja i mišljenje neovisnog revizora „TRA“ d.o.o-Agencije za razvoj općine Tešanj za 2014.godinu**

### ZAKLJUČAK 1.

**Zadužuje se Uprava „TRA“ d.o.o-Agencije za razvoj općine Tešanj da pokriće nastalog gubitaka u 2014.godini realizuje iz neraspoređenih dobiti iz prethodnih godina.**

### ZAKLJUČAK 2.

**Zadužuje se Uprava „TRA“ d.o.o-Agencije za razvoj općine Tešanj da u saradnji sa knjigovodstvenim servisom do prvog polugodišta 2015.godine, iznađe model knjiženja s ciljem izbjegavanja tehničkih problema stvaranja gubitaka.**

**Ad 6.**

Predsjedavajući Skupštine Agencije TRA, g-din. Hamzaliya Hojkurić otvara šestu tačku dnevnog reda: „Plan rada Agencije TRA za 2015.godinu“ i daje riječ Direktoru Agencije TRA, g-dinu Ismaru Alagiću da u kratkim crtama predstavi plan rada za 2015.godinu. U svom izlaganju Direktor je nagalsio da će Agencija TRA nastaviti sa implementacijom započelih projekta iz 2014.godine, kao i sa drugim aktivnostima u skladu sa utvrđenim ciljevima. Nakon izlaganja Predsjedavajući je dao na glasanje predloženi Plan rada za Agencije TRA za 2015.godinu. Na osnovu rezultata glasanja Skupština Agencije TRA donosi:

**ODLUKU**


**o usvajanju Plana rada „TRA“ d.o.o-Agencije za razvoj općine Tešanj za 2015.godinu**

**Ad 7.**

Pod tačkom 7. „Razno“ članovi Skupštine Agencije TRA nisu raspravljali.


Sjednica Skupštine Agencije TRA je okončana u 11:00 h

Zapisničar:


  
Muamer Omahić, dip.pravnik




Predsjedavajući Skupštine Agencije TRA

  
Hamzaliya Hojkurić, dipl. oec.

Ovjerivači zapisnika:

Muhamed Džihić  


Senad Lekić  


Dostavljeno:

Članovi Skupštine Agencije TRA x3  
Arhiva Skupštine Agencije TRA  
Arhiva